



Sakspapir

Sakshandsamar	Arkiv	ArkivsakID
Øyvind Tolleshaug	FE-614, FA-G01	21/175

Saksnr	Utval	Type	Dato
026/21	Formannskapet	PS	13.04.2021
	Kommunestyret	PS	

Bygging av rom for ØHD ved Fedje sjukeheim

Vedlegg:

ØHD-rom Teikning

Saksutgreiing:

Bakgrunn

Fedje kommune har sagt opp avtalen med Nordhordland legevakt med verknad frå 31. desember 2021. På dette tidspunktet må vi ha klar ein ØHD-seng/rom ved sjukeheimen. ØHD står øyeblikkeleg Hjelp Døgnenhet.

Vurdering

Opphavelg hadde styraren ved sjukeheimen kontor der tannklinikken flytta inn i 1994. Styraren fekk nytt kontor lengst sør i tilbygget som var ferdig i 1996. Tannklinikken er historie og vi kan ta i bruk lokalet til andre føremål.

Nokre år etter at tilbygget var ferdig, melde det seg ein trong for eit eige rom for lagring og tillaging av medisinar. Dette vart løyst ved å ta i bruk eit lite rom i tilbygget. Rommer har eit areal på 4 m2 og var opphavelg planlagd som eit skap med dør mot korridoren. Skapet/rommet har ikkje vindaug. Skapet fekk ny lås og medisintryggleiken auka.

ØHD-rommet bør vera i nærleiken av vaktrommet. Attmed vaktrommet har vi skyllerom, bad og terapirom i nemnde rekkefølge.

På 90-talet fekk sjukeheimen nye røyr for varmt og kaldt vatn. Badekaret vart då hive ut. Det var ikkje i bruk. Seinare vart ein del av rommet teke i bruk som laboratorium.

Vegg i vegg med badet ligg terapirommet. Dette var fram til 2017 to rom med kvar sin dør frå korridoren. Vegg mellom dei to romma var ein foldevegg. Rommet er nytta som reserve pasientrom. I 2017 vart rommet pussa opp og foldeveggen vart erstatta av ein permanent vegg. Rommer har ikkje bad, berre ein vask.

Planen for realisering av ØHD-rommet er slik : Pleie- og omsorgsleiaren flytter attende til røtene i den gamle tannklinikken, laboratorium og medisinar flytter til pleie- og omsorgsleiaren sitt noverande kontor og badet vert ØHD-rom. Det vert bygd felles bad for ØHD-rommet og reserve pasientrom.

Planen har følgjande plussider : Arbeidsmiljøet for dei som arbeider med medisinar vert betre, vi får ØHD-rom med bad og reserve pasientrom får tilgang til bad. Pleie- og omsorgsleiaren får ikkje



Fedje kommune

dårlegare kontor enn i dag.

Kostnader :

Oppussing ØHD-rom med nytt bad	350.000,- kr eks mva
To nye kontor og møterom i tannklinikk	90.000,- kr eks. mva
Eksisterande kontor pleie- og pmsorgsleiar – laboratorium/medisinrom	10.000,- kr eks. mva
SUM	450.000,- kr eks. mva
	562.500,- kr inkl. mva

Vedlegget syner ØHD-rom og reserve pasietrom med felles bad.

Forslag til vedtak:

Planen med bygging av ØHD-rom vert gjennomført som skildra i saksutgreiinga. Kostnaden på 450.000,- kr + mva vert finansiert over disposisjonsfondet.